

PREDMET: Razvojni instrument za srednje godine (MDI)

Poštovane porodice,

Mi u Odboru Okružne škole Hamilton-Wentworth (HWDSB) posvećeni smo identifikaciji i uklanjanju barijera, tako da svi učenici uče u inkluzivnoj sredini, uz podršku i poštovanje. Mi dobrobit učenika podržavamo i programima, podrškama i uslugama kojima se gaji zdrav razvoj i ozdravljenje od pandemije bolesti COVID-19.

U novembru će učenici u razredima od 4. do 12. obaviti anketu Razvojni instrument za srednje godine (MDI). Učenici u razredima od 4. do 8. obavili su ovu anketu u 2018., a neki učenici i u osnovnim i u srednjim školama obavili su skraćenu verziju MDI-ja u proljeće ove godine. U novembru će učenici obaviti ovu online anketu tokom školske nastave uz nadzor školskog osoblja. Odgovori vašeg djeteta će biti privatni, povjerljivi i neće se moći identificirati po imenu.

Kakva je svrha ove studije?

HWDSB želi bolje shvatiti aspekte dječjeg razvoja u srednjim godinama koji utiču na dobrobit, zdravlje i uspjeh u školi. U anketi će se učenicima postaviti pitanja o njihovim razmišljanjima, osjećajima i iskustvima u školi i u zajednici. HWDSB će iskoristiti rezultate studije za donošenje važnih odluka o programima i uslugama koji su bitni za djecu.

U anketi se učenicima postavljaju pitanja o:

- 1) Socijalnom i emocionalnom razvoju, poput samopoštovanja, optimizma, sreće i empatije;
- 2) Osjećajima povezanosti sa školom, porodicom, prijateljima i zajednicom;
- 3) Školskim iskustvima;
- 4) Fizičkom zdravlju i dobrobiti te
- 5) Korištenju vremena nakon školske nastave, kao i o željama djece po pitanju vremena nakon škole.

Kako se štiti privatnost mog djeteta?

Vaše dijete u ovoj studiji neće biti identificirano po imenu. Odgovori vašeg djeteta neće biti na raspolaganju vama, bilo kojoj školi i članovima školskog odbora. Ovim se želi osigurati da odgovori svakog djeteta budu privatni i povjerljivi. Nikakve informacije ne dodaju se na školsku evidenciju vašeg djeteta iz studije.

Ako se informacije iz MDI-ja budu koristile u istraživačkim publikacijama ili u javnim dokumentima, vaše dijete i škola neće biti ni na koji način identificirani. Ako u bilo koje vrijeme

vaše dijete ne bude htjelo učestvovati u anketi, njegov nastavnik će obezbijediti alternativnu školsku aktivnost.

Osobne informacije o MDI-ju se prikupljaju u skladu sa Članom 28(2) Općinskog zakona o slobodi informacija i zaštiti privatnosti (MFIPPA), u kojem se navodi da organizacije koje se bave zakonski odobrenim aktivnostima mogu prikupljati osobne informacije od pojedinaca kada je to neophodno. MDI predstavlja doprinos u ispunjavanju zahtjeva Ministarstva obrazovanja za školske odbore u svrhu anketiranja učenika svake 2 godine o njihovoj školskoj klimi.

Kakvu će korist imati škola i zajednica?

Studija MDI pomaže edukatorima, planerima programa i članovima zajednice da saznaju nešto o životu djece putem glasova same djece. Vaša škola i zajednica mogu koristiti rezultate za unapređivanje života djece. Mi smatramo da studija lokalnoj djeci i porodicama pruža mnoge prednosti. HWDSB će sarađivati s partnerima, uključujući Grad Hamilton, da bi se osiguralo ispunjavanje potreba učenika u našoj zajednici. Mi ćemo dijeliti podatke sa skinutom identifikacijom iz ankete sa Gradom Hamiltonom u cilju informiranja i obogaćivanja programa i usluga za djecu i mlade.

Gdje mogu dobiti više informacija?

Saznajte više o MDI-ju, koji se koristi u drugim kanadskim jurisdikcijama, online na adresi www.earlylearning.ubc.ca/mdi.

Isto tako, informacije i resurse o Anketi o razvoju u srednjim godinama možete pronaći na našoj internetskoj stranici na adresi <https://www.hwdsb.on.ca/elementary/supports/mental-health-and-well-being/mdi/>

Ako imate nekih pitanja ili zabrinutosti povodom učešća svog djeteta, obratite se Odjelu za istraživanja i analitiku na adresi research@hwdsb.on.ca 905-527-5092.

S poštovanjem,

Odbor Okružne škole Hamilton-Wentworth
Odjel za istraživanja i analitiku